

西雲集卷上

洞明子撰 同六

七言絕句

山居十三首

擺脫名韃利鎖因歸來時跡老林丘因時坐
 卧長松下拂拭莎茵枕石頭
 和氣氤氳洞天孕成靈質行功圓醉眠青
 嶂聞禽語笑出長生久視篇
 兀兀忘機出世籠飄飄雲水任西東醉來歌
 枕松陰下誰奏笙簧滿太空
 一片孤雲到窈闔兩輪日月任循還道人手
 段能如是歸去埋名碧嶂間
 一溪綠水遠柴扉四面青山列翠微門外無
 他車馬客洞中時復野雲歸
 山堂終日沒來人靜夜時經虎撞門心性湛
 然居一闕化成氣上崑崙
 碧嶂巖前與友期欣然談笑夜忘歸眼前不
 見紅塵境頂上白雲映月輝
 林泉養拙人情遠方寸無塵仙趣佳信步閑
 遊山與水歸來高枕卧烟霞

靜夜與遊山色裏騰空撒手紫雲中妙高本
 上猿啼月清淺溪邊虎嘯風
 十載身潛碧嶂間五雲堆裏自由閑閑人物
 外無人識南北東西自往還
 歇居塵世樂天真物外逍遙散誕身深隱碧
 霞無伴伴高山流水作比隣
 行少玄門未出掌得潛身身且潛身不求世
 上功名貴願作林泉守拙人
 洞天風月水和雲芝秀連開玉液醇昨夜青
 衣傳聖語都教分付與閑人

述懷五十首

豈德人未到我齊恐人帶入是非來不爭談
 是談非理快却真閑真樂哉
 少年割斷攀緣網返照潛居老氏家散誕水
 雲為活計清貧柔弱作生涯
 心念猶知水上雁迎光照破波蹤由若人知
 此修行理和氣通身自運流
 不羨人間萬戶侯忘名棄利百無憂飢來隨
 分巡門乞飽後歸庵學解牛
 方寸無塵出世籠忘言得意本來空青山有

石平如枕甘作人間打睡翁
 識破浮華利與名圓全性命行功成玳瑁胎
 耳雲環響跨鶴神遊上玉京
 紅塵堆裏眼慵開觸處無情性不理雲破碧
 天秋月朔携筇獨步上瑤臺
 落魄閑遊自在仙因時高枕卧雲眠夢中一
 照塵無滌化作金光滿大千
 玄妙機關總不推全身放下入無為寂然應
 物真空體便是另見了悟時
 一真悟徹萬緣休更不踉蹌逐意遊氣滿精
 盈功行具駟鯨歸去赴瀛洲
 放下全身道可親心灰不復添凡塵靈光上
 下通天地南北東西自在人
 死中又死死中死休了還休休了休鶴詔飛
 來三五次騎鸞縱九霄遊
 手提寶劍戰魔軍戰退魔軍作道民穩駕白
 牛遊洞府閑人渾似不閑人
 通天手段人難測出世機關鬼莫知秦闕琳
 宮朝帝罷霓裳整頓宴瑤池
 心灰形槁罷干戈骨肉都飛上大羅俯視紅

塵車馬客區區名利日奔波
物外忘機合聖機天關撞透赴瑤池笛吹汝
孔誰人解琴操無絃只自知
觸境心休脫界魔忘言得意罷干戈人間究
轉俱無盡只向庵中春太和

清貧柔弱做真修名利浮華事總休心地了
然無別物清風明月滿瓊樓
修行頓悟絕塵埃消散迷雲性月開燉煉洪
濛歸我關不移一步到蓬萊

清光耿耿絕纖塵浩氣綿綿養谷神有事不
如無事客無心維羨有心人

和氣氤氳過九垓蒼龍穩駕十洲來通明殿
裏笙簧奏痛飲醍醐樂快哉

昨夜騎龍狂道士專來共我話玄風丹成幾
轉光明暗猶欠人間清淨功

頭頭識破本來無浩浩清風滿太虛認得箇
中真面目便將形體作蓮塵

頓捨浮華絕世情忘機忘物更忘形神凝氣
結嬰兒就縱去收來入窈冥

心忘諸境出迷河意不沉空道行多雲散碧

潭清皎潔靈光不昧氣神和

竹几蒲團小草堂儵然無事且藉光從今更
不閑吟咏免得教人話短長

紅塵夢斷樂無休應物無生得自由神氣調
和功行滿蒼鷲穩駕赴瀛洲

從悟全真沒一文一文不置是全真怪來布
被三冬暖分得壺中一半春

嫉妬慳貪何日息氣財酒色幾時休回頭狂
悟那拋却撒手歸來儘自由

百年光景四句過一事無成兩鬢皓昨夜狂
然心省悟寓居環堵養沖和

因誦還丹九轉經十年醉夢一時驚無心世
上爭頭角有意山間匿姓名

遍遊南北與東西雲水行藏亦庶幾俗世生
涯從擾聒仙家活計自幽微

靜坐忘言自付量前程進步入仙鄉仙鄉志
得教人見陰盡陽全道自彰

靜坐忘言自付量前程進步出塵羅丹田有
寶起生滅方寸無情即道鄉

塵緣頓捨暮修仙性命圓融得自然觸境心

灰無事客洞中高枕卧雲眠

兩端善惡出無由一種塵心不肯休拼死十
年爭鬪戰了時獨步太虛遊

隱居青嶂暢情懷高卧雲烟樂快哉心意忽
然塵世去神機猛省便迴來

綠水青山絕點埃更於得處竟蓬萊茹麻草
舍雖云陋無福誰人得到來

回光勘破人情意返照觀開世態心世態人
情心意盡不妨高枕卧瑤峯

不趨富貴守貧閑為甚教人冷眼看拂袖便
歸青嶂裏騰身高卧白雲端

功名富貴都拋却世務人情總棄他直入雲
山深處隱茆齋細考玄科

十分拙訥十分靜一味清貧一味閑金闕山
深無客至一爐香火掩柴關

憂慮業中憂慮遠是非堆裏是非疎神機默
識行藏理天上人間信不虛

乾坤拍塞虎和龍掣電轟雷造化功天宇爛
遊踪散客世人那有這家風

自入玄門二十年收心不放馬猿頭歸來拍

手巖前笑就漢元來果是乾
 蓬頭垢面似愁癡內箇靈明不放釋直待青
 水傳好語恁時方信悟玄機
 三藏人我是非情一念歸根道眼明從此出
 離因果界自歌自飲樂無生

譬似無常限到頭爭如好向死前休休休休
 到無為處方出俗流入道流
 奪得陰陽造化權便為蓬島洞中仙蛟龍引
 向山頭野猛虎牽來海底眠
 一聲鐘響夢魂驚三唱雞鳴出帝城獨步崑
 崙山頂上俯觀浮世利爭名

道興五首

神劍自從藏匣裏魔軍啾唧骨毛寒十方世
 界都遊遍一點靈明觸處安
 歷劫輪迴今日悟頭頭劫破出九因開觀洪
 海峯前立偶遇靈樁天上遊
 佩劍騎龍氣勢雄翱翔適意過蒼穹三山夜
 過天猶早就宿瑤臺第一峯
 一色青山聳碧空數聲幽鳥夕陽中鳥聲山
 色無人悟悟者還能造化通

劫破諸緣出世間碧巖深處樂真閑卧聆溪
 水潺潺響放眼西南更看山

偶作七首

劫破人情世務塵飄蓬雲水寄天隅亂山深
 處藏菲屐更不入前美幻軀

飽讀世務不牢堅避迹林泉養浩然直待神
 丹成九轉倒騎玄鶴上三天

不論天機與世機松間卧看白雲飛有人來
 問修行事笑指西峯冷翠微

臨頭境滅自心空和氣周流滿行功與即縱
 吟青嶂裏倦時高卧白雲中

四圍山色鎖瑤陽一泓泉聲透草堂可笑世
 人心太濁却於海上覓蓬莊

雲山四面插穹蒼中有洞明道士堂好是暮
 春三月裏落花狼藉水流香

金閣山藏一洞天古來招隱出塵賢一溪雲
 水環青嶂萬頃烟霞鎖翠巔

閑詠二首

時時刻刻悟重玄物物頭頭見本元不語語
 中機莫測無為為處理難言

衷情不訴世情機適意閑吟得意詩有事爭
 如無事日無為勝似有為時

戲作二首

亭下長松四季春松邊無語立莎茵夜來行
 到河堤上柳絮隨風也撲人

溫涼寒暑四時安甘苦辛酸一味餐雖有是
 非來耳內並無榮辱到心間

西雲集卷上